



ШИЛА Г'ЯМРУ

СЕЛЬСКАЯ ЖИЗНЬ



Дахадаевла районна жамиг'ятла - политикала газета

№ 39 (8581) 2023-ибил дус.

Сентябрьла 29.

Жумяг'.

Багъа 12 к'уруш 32 кепек

Районна администрациялизиб

Туризмала барх'иличил мубаракдирулрая!



Хурматла туристуни ва арх'яликъянаби! Х'уша туризмала барх'иличил мубаракдирулрая! Нушала район г'ялабях'и башах'нилизиб туризмали белгиси мер бурцули, нушачи г'ях'или башах'ес имканти алк'лах'ули сари, бузерила сагати мерани алк'лах'ули, жамиг'ятла бузерила ва г'ямрула шурт'ри г'ердурцуси экономикала къялуи г'ялабях'и дашах'ули сари.

Х'уша, туристуни, культуралашалти бетуцуни цализи цали г'ерисах'нила, дурала улкнала ва регионтала адматчилти нушала барх'басуни ч'умадирах'нила шайчир г'ярли-марти барх'басуни дузах'утили дета-рулрая.

Ил мяг'ничебси барх'и х'уша нуни жидирулрая х'ушала арх'яла дазурбазир г'ярил сек'айчи разидиру-ли, сагати бетуцуни г'яргдирули, мерличисби культурализи дух'надух'ах'ес, х'ушала пикруми дурес ва арх'ялици дурадух'унх'ели х'ушачил къаршибиркути адматгала урк'базир г'ях'ити къел-х'ерзи далтес.

Нуни илк'яйдали баркалла баг'ах'ес дигулра мерличирти гостиницабазибра туристунала агентствоти-зибра бузанта, муниципалитетгала мер-мусаличир туристунала объектунти г'ашдалтути инвестортас, ну-шала район туристуна дигусили бетарах'ути ва илдас г'ях'ити шурт'ри алк'лах'ути лебилра адматас.

Х'ушаб х'умх'ергести г'униба'ниби ва дигести г'яргбарк'уни диубли дигулра. Х'ушала г'ярил арх'я дуньяла тамашала бетуцуни далнилизиб, рух'и давлачердирути барк'уддумазиб сагаси ганзли бетаб.

Х'урматличил «Дахадаевла район» МО-ла бек'и Мях'яммад Г'ябдулк'ядиоров.

Деклар-декларти масъулти ах'дуциб

Муниципалитетгала руководитель Мях'яммад Г'ябдулк'ядиоровли бек'идеш дирнила удиб г'ялабван, дураберк'ибси аппаратла совещание-личир, деклар-декларти масъулти ах'дуциб. Ил-дазибадди ца сабри «Каспий» батальоннизи саби г'ях'улалли кабулх'ниличила.

Илк'яйдали, совещаниеличиб социальный объ-ектунала мяк'ларти г'ундурачибадди башух'ели мях'камдеш бирнила масъалара ах'буциб. Ил мяг'ничебси бетуц саби ва г'ундурачиб адматти башнила ва машинти шалг'ердулх'нила барк'уд-

дик'лах'ес баг'андан илг'уна барк'уди кумекли бетарар. Илх'ели шимала мер-мусаличир умудеш ва ибг'ибдеш г'ердуцес г'ямаддира бирар.

Совещаниеличиб «Х'умх'ертнила анх'» балк'аах'ес х'яжатли би'ниличила ва СВО-лизир бут'лак'яндеш дирух'ели алхунти дахада-евлантала х'урматлис мемориалла парк сек'яйда баралли г'ях'исил масъала ах'буцибсири. Ил-диг'унти меранала халаси къадрира лебси саби игит уршбачила х'умх'ертнилизиб.

Балбуцличир ах'дуцибти лерилра масъулти районна адматгала г'ямру г'ялабях'и дашах'нилизир мяг'ничерти сари.

Районна бек'ла заместитель Мях'яммад Къадиев районна администрацияла барк'уддумала шайчивси управляющийла бузериличила критикали-чил г'яйух'ун. Илени сунела баг'ах'нилизиб г'янбушиб сунени ах'буцибси темаличил дарх'дасунти цацадех'ити бар-к'уддумачи пикри бях'ичаэс х'яжатли би'ниличила.

Бек'и г'ялабси яргализиб рай-онна барк'уддумала шайчивси управляющийла х'янчи

г'ят'ира г'ях'исили ва сабух'ебсили биэс х'яжат-си саби или балах'улри М. Къадиевли. Илени бурни х'ясибли, цацадех'ити масъулти ирзух'ели жавабардешличил г'ямх'ернили алк'лах'ули сари далагардешунира. Илдиг'унти чететх'ейбдешунани царх'илти отделтасра къя-яндешуни алк'лах'ути сари.

К'иэсилг'унара, районна бек'ла заместительли налогунала шайчир планти таманх'едарибти ши-мала бургачилара баянти г'яндушиб. Илдиг'ун-ти чедих'яртдешунани бюджетлис дирах'ути далагардешуначила буриб. Илбаг'андан чула

бузерилици шимала бурги чекабизах'ес масли-г'ятбариб.

Мях'яммад Къадиевли бурни х'ясибли, илди далагардешуни х'едиах'ес ва масъулти арзес вирниличилара баг'ах'ур. Ах'дуцибти масъулти ирзнила бузери жигарчеббарес баг'андан район-на администрацияла шайзибаддира кумек г'еб-баах'ес х'яжатли би'ниличила арг'ах'иб илини.

Г'яйг'ай, критика барибх'ели г'ярили сунела пикри бурули, ихтилатуни думжах'улира дирар. Амма х'умартес асух'ебирар бузери жигар-чеббирнила мурадличил критика бирниличилара. Илк'яйдали цах'инрти цакъаначил бузерилизи ах'алли, лерилра масъулти арзес имканбик'ур.

Шимала бургани налогуни учидирх'нилизир къяндешуни селичирли алк'уллил баянбарес х'я-жатли би'ниличилара г'яй детаур балбуцличир. Налогунти дурчнила бетуц барсбарес яра царх'ил тях'яр балбуцес х'яжатлила белгибарес г'яг'ини-ли саби.

Совещание ахирлици биркух'ели, районна бек'ли жавабла х'янчизартас х'ярбарк'уни дедиб масъулти ирзниллизир бут'лак'яндеш дарах'ес баг'андан.

Ах'ерти дахадаевлантл!

2024-ибил дуслис районна

«ШИЛА Г'ЯМРУ»

газеталис къулбасбирни бетурхули саби.

Къулбасбирнила баг'а:

Абзур дуслис — 640 к'уруш 64 кепек.

6 базлис — 320 к'уруш 32 кепек.

3 базлис — 147 к'уруш 84 кепек.

1 базлис — 49 к'уруш 28 кепек.

«Шила г'ямрула» редакция.



думачи чекайзес х'яжатли би'ниличила лебтанил баг'ес х'яжатира саби. Совещаниела дазурбазир районна бек'ли ва совещаниелици цацакибта-ни баянбариб г'ундурачиб башух'ели сег'унти тях'яр-къяйда дузах'ес х'яжатлил.

Балбуцличиб ца г'ят'и масъайчила г'яй детаур. Ихтияр агарли нясдешуни калк'ути мер-мусаличир видеонаблюдениела бетуцуни пайда-ладарес х'яжатли би'ниличилари г'яй. Шимала адматани мурталра билх'аби дурадурк'ули, нясдешуни умудурули диалра, г'яр мерличиб сег'унти-дигара жярга-зекъ адматизи лайх'е-

Шила хозяйство гъалабяхІ башахъули

Нушала республикализиб шила хозяйстволу кяли мурталра ахъси даражаличиб бирусир гьаларти дусмазиб. Улкализир кадикибти дарсдешунала асарлиур гъахІцад далагардешунира кадикиб ил бетуцлизир. Гергъиса замана Дубуртар Улкала хІякимтани ил шайчир сархибдешуни дирахънилича халаси пикри бяхІчиули саби. УркИичеббуубли саби бузерила зяхІматчибти. Дубурланти азгъиндеш хІедалути ва саберхурти биъни чис-дигара якъинсира саби. Ишди бурхІназиб МяхІячкъалали-

зибра республикала шила хозяйстволу ярмарка бетурхур ва илар бегІлара гъахІти сабухъуни цаладяхъибти зяхІматчибани бутлакъяндешра дариб. Илдала лугІилизибадлири Дахадаевла районна "Старт" КФХ-ла, "Хасбулатов Къурбан" КФХ-ла ва "Сапар" КФХ-ла вакилтира. Илдани бегІлара гъахІти журала тІутІи гъаладихъиб ярмаркалича. Балбуцличир шила хозяйстволу продукция сархутани чула бузерила сархибдешуначила-цунра ахІи, тІутІила качестволичилара баянти гъаладирхъулри.

Гъайгъай, илдани дакъахъибти берхІила цІедешла бизидешли ва жагадешли цалабикибтира тамашабирахъулри. Багъеслири, илди тІутІи дашахъантала бузерила халаси опыт лебни ва сабухъ гъахІси биахъес багъандан дирути къайгъни камли хІедийни. Гъайгъай, дигесира саби нушала хала бегІтала ванза илкъяйда сахаватли берхъахъес имканти алкъахънира.

Илала дурабаддира, дахадаевлантани дубурла жагаси мераначибучибси мирхъила варъара ниъла продукцияра гъаладихъиб тах шагъ-

арлантас. Дахадаевла районна мермусаличибадси варъа сабигъуна агарси ва дахъал излумас сабаббируси саби викІалра хатІа бетхІерар. СенахІенну, жура-журала вавакъарла дубуртачиб, майдунтачиб ва умуси гъавализиб цалабирхъуси саби ил. Ниъла продукцияра мурталра адамтани иштяхІличил пайдаладирес виэсти сари. Илбагъандан илди дикахъибтира пашманхІебирнилича вирхес вирар.

Илкъяйдали адамтас гъахІси качество продукция гъалабирхъути ва шила хозяйстволу кяли гъалабяхІ башахъути зяхІматчибти гІеббуцес ва илдас баркалла дикес хІяжатлира саби.

Кудалантанира гъахІси баркъуди гІеббуциб

Гергъиса замана Дахадаевла районнизирти шимала адамтани гъундури къулайдирули ва цархІилти гъахІбаркъуни дурадуркІули сари. Илдигъунти пайдалати баркъудлуми кудалантанира гІердуциб.

Гъалабван Кудагула шилизиб билхъа дураберкІиб ва верхІел километрла гІеркъадешла гъундури диркъариб, къулайси агиличи дикахъиб. Шила бекІла ва шантала цахІнарти цакъаначил гъундурачирти чукълуми гъягъяли дициб ва гъундури ремонтдирнила баркъуди жигарчебли дураберкІиб.

Кудалантани имцІаливан пикри бяхІчиаиб адамти башути ва машинтас хасдарибти гъундури гъахІси агиличи диркахънилича. Шантани илкъяйдали цабалги къулайси баркъуди дураберкІиниличибли шила чебаъ жагабирар ва адамтала гІямрулизир белгити дарсдешуни алкъан.

Илкъяйда билхъа дураберкІинили шантала цабалгундеш ва уржибдеш чедиахъули сари. Илдала къайгъначил чеалкъуси наслула вакилтас лебгІеб пайдаласи мисалра чебиахъули саби.

Илала дурабаддира, жамигІятла мер-мусара пикрила дурадур кахІелун. Украинализир кадиркути дявила анцІбукуназир бутлакъяндеш дирхІели алхунтас хасдарибти мемориалла уркъли даршибти мер-мусара къулайси агиличи дикахъиб билхъала бутлакъянчибани. Шантани иларти нясдешунира умудариб.

Илдигъунти далдуцунани шилизиб умудеш барили ва гъунби къулайдарилицунра ахІи, шантала ургабси бархбас чІумабирахъулира саби. Дигеси саби илкъяйдали гъахІти баркъудлуми гІерисули, шими жагали кадилзахъни ва адамтала яшавла шуртІри гъахІдулхъахъни.

Информацион.



Билхъа дураберкІиб

Уркухъла шилизиб гъалабван билхъа дураберкІибти адамти къакъурбазиб умудешбирнила

баркъудилизи ахъиб. Балбуцла бутлакъянчибили сабти учреждениебалара организациябалара



хІянчизарти хІябал къукъяличи бутІиб ва бузескабиб.

ЦабехІли нясдешуни цаладирхъулри. Ил хІянчи бирутала къукъялис бекІдеш дирусини бурули сай:

«Ихтияр агарли чинабиалра жяргІа-зекъ калкъули сари цацабехІти адамтани. Илди сабабли детарули сари алавити мер-мусаличир далагардешуни алкъинилсира. Илкъяйдали, нясдешуни агардирни мягІичебси баркъуди саби.

Нушала къукъяла къайгъначил жярга-зекъ умударили, шилизибси ца мер алавити мер-мусалис урехи агарсили бетаахъурра.

Нушала шилизиб умудеш бирнила баркъудилизи белгиси пай кабихъни саби ил».

КІиэсил къукъя шинна провод ункъбирнилизиб бузусири. Шантас умутти шин дирахънила мурадличил адамтани шин айхъути мер-мусара умудариб. Шин дашути ва дихІути гІягІиниахълуми къулайдарни ва умударни мягІичебси баркъуди саби ва Уркухъла шилизиб хІербирути лебилра адамти баркалла бикІесил бетуцра саби ил.

ХІябьибил къукъя шин дихІути мер-мусала ала умудеш бирнила баркъудилизи ахъиб. Автоцистернаби шинничил гІердуцес хасдарибти илди мер-муса къулайси агиличи дикахънили адамтала яшавла шуртІри гъахІдулхъахъниличира асарбиру.

Билхъализир бутлакъяндеш дарибтани шилизиб умудеш бирнилизиди ва къулайдешуни алкъахънилизиди белгиси пай кабихъиб. Илкъяйдали цабалги бузерилизиди ахъибтани шантани бамсрихънила ва илдала бузерила мерани къулайдирнила бетуцуни гъахІцадла гъаладяхІдикули сари.

КІишантанира гъундури къулайдирули

Дахадаевла районна цархІилти шимала гъахІси баркъуди гІебисули, кІишантанира чула шила духІнарти гъундури къулайдирнилизиди ахъиб. Илдани гъундурачирти чухълуми гъягъяли дирцІули сари ва гъуни ремонтбирули саби. Гъундури къулайдирули дузутири 2 техникала. Иличибли бузерилизиди ахъибтас халаси кумекра бетарулири.

Шила бекІла ва депутатунала бутлакъяндешличил гъахІбаркъуни дурадуркІули сари шилизир. Чула шиличила ва шантачили илкъяйдали къайгъни дакъудирнила гъахІдешли-

чирли адамтала яшавла шуртІри гъахІдулхъахъес ва бамсрихънила даража къулайбиахъес имканти алкъули сари.

«Шилизир жамигІятла бузерила ва гІямрула шуртІри гІердурцути экономикала къялуби гъаладахІ дашахънилизиди илдигъунти баркъудлумани белгиси ганз кайцІули саби. Шантала къайгъначирли шилизирти гъундури къулайтили детарули сари илабадди башути адамтас», — бурули сай депутат ГІяхІмад Ибрагимовли.

М. ГІяхІмадова.



Гъндурачиб урехи хІебирахъес

ДурхІни гъндурачиб башнила бетуцличи мурталра бегІтани, мугІяллимтани ва гІядлузегъа далтахъути органтала хІянчизартани халаси пикри бяхІчиіес хІяжатси саби. Гъндурачиб дурхІни мяхІкамли бирахънила мурадличил гъалабван Дахадаевла районнизибра БДД-ла (гъндурачиб мяхІкамдеш бирнила) жумягІ дураберкІибсири. Багъудила учреждениебала бучІанти ишдусла сентябрьла 18-личибадли 22-личи бикайчи гъндурачиб мяхІкамдешличил башахъес бурсибирнила мурадличил деклар-декарти далдуцуни дурадеркІибтири. Къакъурбазиб ва машинтала гъндурачиб адамти башнила тяхІяр-къяйдаличил илхІели бучІанти тянишбирутури.

Илгъуна баркъудила ца жура сабри БДД-личила видеофильм чебаахъни. Илала гІяхІдешличибли дурхІнани ункъли иргъу гъндурачибадли башухІели мяхІкамдеш бирнила къадри. Гъндурала ишарабачилти пазлиби цаладирхънилизирра дурхІнани жигарла бутІакъяндеш дариб. Илгъуна баркъудили дурхІнази гъндурала ишараби гІяхІил дагъахъес кумекбиру.

БДД-ла жумягІ дурабуркІухІели багъирабас жавабти дургнила баркъудира дурхІнас дигу-

сили бетаур, суненира дурхІнас кумекбиру гъндурачив вашнила тяхІяр-къяйда дяркъяхъес ва сегъуна агилизив секъяйда вирусил белги-бирахъес.

БДД-ла жумягІла дазурбазир дурхІнани чула хъулибадли школализи вашуси гъунила схема цалабахъяхъес хъарбарибсири.

Илдигъунти далилтали дурхІнас кумекбиру гъндурачиб башнила тяхІяр-къяйда дяркъяхъес ва мурталра мяхІкамли башахъес. Илала гІяхІдешличибли саби гъндурачибадли мяхІкамли башнила бетуцуни руркънила дурабадли, дурхІнани иргъу мурталра гъар секІайчи жавабкардешличил хІерикІес хІяжатли биъниличила.

М. ГІяхІмадова.



Совет хІукуматла замана динна вакилти школаличил бекІлил бархбаси хІебири. МугІяллимти къайгъилизиб бири дурхІни диннизи хІехъахъес. ДурхІнани дехІибала дирни яра дубурцни багъалри илдани тІама-гъама ахъдурци, школализибадли илдигъунти дурабушес хІяжатси биъниличила балахъи. Амма бегІлара динничи къаршили кабилзути учительти бухънакабанхІели, дехІибала дирес ва субхІян някълизи касес бехІбирхъути анцІбукъунира камли хІедирри. Сеннира илди Аллагъиличи бирхули биъни иличибли багъеслири. ИшхІелла манзиллизиб биалли гІямрула бархъси гъунчи кабизахъес багъандан бучІантас халаси кумек ГІеббиахъули саби динна вакилтани. Дигеси саби, илди мурталра школабазии башули ихтилатуни дурадуркІни ва жагъилтачил къаршибиркули илди бархъси гъунчибадли чебхІебалкІахъес къайгъилизи биркни.

Дахадаевла районна имам ГІябдулхІямид ИсмьгІиловра мурталра къайгъилизив вирар школьникиначил ва шимала жагъилтачил ихтилатикІес ва илдази замана дугІли хІебуркІахъес махикІар, лайикъти мисалтачирли гІямрула къячІикІуни чебхІебалкІи ва хІурматличил ихъахъес кумекІар.



мурталра бегІтала, гъести гІямрула адамтала ва лебилра алавити халкъла биубпад халаси хІурматбирес гІягІниси биъниличила имамли

Имамли ихтилат дураберкІиб

Иш гъакІисра ГІ. ИсмьгІилов Бакънила ва Урцакила школабала дурхІначил гъуниваиб. Балбуцлизир преподавателтанера бутІакъяндеш дариб.

Адамла гІямрулизиб гІилмула къадричебдешличила, багъудлума касес багъандан чекайзурли учІес хІяжатли биъниличила,

баянти гъандуршули, къугъаси ихтилат дураберкІиб.

Имамли илкъяйдали динна хъулчни руркънира хІурматла баркъуди биъниличила гъанбушиб. Илани цІакъбарили буриб динна масъултазир дузес къасбарадалли, хІушани гъарил секІал чекадизурли ахтардидирес хІяжатси саби ва суал акІубхІели чІянкІли имамтачи ва гІялимтачи дугъадизес чебиркур или багъахъур. Экстремизмала бетуцуназибузути адамтачибадли гъарахъли биахъес ва илдачил сегъуналра бархбас хІебиахъес дурхІнас маслигІятбариб.

Илкъяйдали имамли ишбархІила манзиллизиб дебали челукъусили бетаурси масъалара ахъбузиб. Илани дурхІнази гІячихъти баянтачил наркотикунни пайдаладирниличирли сегъунти кахти анцІбукъуначи адам вяхІигулил баянбариб.

ДурхІни халаси иштхІличил имамличи лехІбизурлири. Ихтилатлис ахъси къимат бедиб гъунибаънилизир бутІакъяндеш дарибти шконала директорли, илала бяркъ лугнила шайчибти заместительтани ва педагогуни-психо-логунани.

М. ГІяхІмадова.

Мазала маслис вакцинаби дирули

Гергъиси замана Дахадаевла районна ветеринарияла службала хІянчизарти мазала мас дебели урехиласи чахъала изайзибадли мяхІкамдеш бирнила мурадличил вакцинаби дурадуркІнилизиб сабухъебле бузули саби. МицІирагла арадеш ГІеббурцнила ва районна шила хозяйство гъалабахІ башахънила шайчибси мягІничебси ганз саби ил.

Ил урехиласи изала тІинтІхІебирахънила мурадличил Уркухъла шилизиб гъалабван мазала маслис вакцинаби дирнила хасси балбуц дураберкІиб. Ветеринарияла медицинали маслигІятбирни хІясибли, чекабизурли вакцинаби дарибтири. ХІяжатти вакцинаби касили Гергъи, опытчебти специалистунала команда бусягІятал бузерилизи ахъибсири.

Препарат пайдалабирнила бетуцуни ункъли дяркъурли Гергъи сабри специалистуни вакцинаби дирес бехІбихъибтири.

Гъарил мицІирагли прививкабала хІяжатси доза касибсири. Чахъала изайзибадли илкъяйдали мяхІкамдеш бирес имканбикІулира саби.

Илала дурабаддира, ветерина-рияла тухтуртани мицІираг адилкъантачил иргъахънила хІянчи дураберкІиб вакцинаби дарили Гергъи мицІираглис секъяйда къуллукъ ГІеббурцусил баянбирли.

«Мазала мас урехилати излумазирадли мяхІкамдирнила шайчибси пайдаласи баркъуди саби вакцинаби дирни. Илдада гІяхІдешличибли мицІирагла излумачи къаршиси иммунитет бетарахъули саби. Иличибли мицІираг зягІиндиркнила урехи камбирули саби ва мазала дурзамти аратили днахъес имканти алкІули сари», — бикІули саби ветеринарияла управлениела специалистуни.

МицІирагла арадеш ГІеббурцнила мурадличил му-

ниципалитетла мер-мусаличирти лерилра шимазирра мазала маслис вакцинаби дурадуркІути сари.

М. ГІяхІмадова.



Чилра ва селра хъумуртуси ахӀен ГӀярбукӀан летчик гъаниркахъули

ЧебяхӀси ВатӀа дургъбала замана кадикибти кахти балагъ-къадарличила гъарахълабадси тӀама гъаннара чебихули лебал. ИтхӀели



дьявила майдайчир чула ГӀязиз жан къурбандарибти ГӀяхӀгъубзназибадди бахъличила баянти манзилла пардавлиур белгидарес имканти агартили урдхунти анцӀбукъунира камли ахӀен. ХӀерзи-къел агарли беткахъибтира чинаралра чула лига-къякъя даргес хӀебиубтира чумра бургъантачила чула гъамти децӀбикӀули вецӀани дусми деркӀибтири ва итил дунъяличи сегъуналра баян хӀебагъурли арбъкъунтири.

ХӀера, ишди бурхӀназиб хабаргарли Кубачила шилизivadси ургъанничила баянти даиб илала гъамтачи. Ил ГӀярбукӀан багъадур чинав алхунсирил баянтачила саби иш макъала.

2021 ибил дула майла 22-ичиб дурабухъунси «Горький вестник» бикӀуси газетализиб Петр Женжарухинни дурибти баянти хӀясибли, дурабухъунси «Узи варгиб летчикуни хӀярибихъибси мер гъатӀи баргес биалри» ибси статьялизиб балахъуливан, Петр Николаевич Женжарухинни бурули сай ЧебяхӀси ВатӀа дургъби дехӀдихъибхӀели ил акӀубси Никодимово бикӀуси шила мякълабси авлахъла чедир гъавала дергъ бетурхулри. ИлхӀели нушала ца самолет Гори бикӀуси шила мякъла душмантани кабикахъибсири. Ил кабикибси бархӀира пенсионерлис гъанбиркули саби – 1941 ибил дула июлла 13. ИтхӀели кӀел летчик парашотуначиб ванзаличи байбтири ва дигӀянбикибтири. ХӀябъибил самолетличил варх цӀали вигубсири. Солдатличил итхӀели барх бируси хӀебигубли лебалси илала медальонра касибсири шила адантани ва сайра хӀярихъибсири. Ил хӀярихъибтала лугӀилизив леври Стефан Муштуковра. Илани чебаибтири кӀел мицӀирли калунти летчикра. Илани илдас гражданинтала палтарра деркестира дедибсири. Илди Завидово бикӀуси шиличибяхӀли арбъкъунтири. Илди чула юлдашунни баргес къаслизибри. Илди баргес фашистуни къяйцӀбикӀулри. Душмантала колонна Смоленскла ва Москвала шайчибяхӀ гъайбиублири.

Дьявила хъарбаркъ таманбарес или бархъибси самолет чархӀебухънила анцӀбукъличила баянти дагъес дигулри Москвализирадси запасла офицер поисковик Елена Шутовас. Илани къасбарилри Могилевла областлизиб самолет кабикибхӀели алхунти летчикуначила баянти дучес. Архивлизирти документуназир самолет кабикибси манзил дурусли балниличирли экипажличила баянти даргес имканти аллахъулри. Елена Ивановнани документуназир хӀябалра летчикличила баянти даргиб. Илдибадди кӀила гъамтира баргиб. Газетализи макъала белкӀунси журналисткас илди гъамтачил бархбас кабизахъесра илини кумекбариб. Документуни хӀясибли, авиационный 213 ибил полкла скоростной бомбардировщикла экипажлизи кабурухулри звенола командир лейтенант Рязанна областъла Рыбновла районна Городище шилизив 1909 ибил дуслизив акӀубси Алексей Сергеевич Тихонов,

Дагъиста АССР-ла Дахадаевла районна Кубачила поселоклизив 1916 ибил дуслизив акӀубси стрелок-бомбардир лейтенант ГӀябдул Иммайлович Абакаров ва Ленинградлизив 1917 ибил дуслизив акӀубси стрелок-радист младший сержант Дмитрий Иванович Малафеев. Истребительтани 1941 ибил дула июлла 13-личиб самолет кабикахъниличила ва цӀали бигниличила баянтира лер. ХӀябалра летчик къел-хӀерзи агарли бетахъили саби ибти баянтира лер документазир. Илкъяйдали якъинбирули саби кӀел мицӀирли калунти летчикра нушала бургъантачи хӀебаъни. Никодимово шила мякъла хӀярихъибси ГӀябдулкарим Абакаров сай. Ил баян марси биъни кабилзахъули сари Москвализир хӀерриуси летчикла гъамси Фатима Мамаевна Халилованира. Сунела гъамси самолетличив кайкибси ва хӀярихъибси мерличила баянти арбъибхӀели Фатимали нургъби тӀашаэс хӀериуб. Летчикла гъамтас ил дебали мягӀничебси ва тамашала анцӀбукъ сабри. Бургъантачила баянти даргибтасра ил секлал тамашахӀебизес хӀебиуб. Бургъантачила баянти дургухӀели миллионнизива бадди илгъуна ца анцӀбукъ саби баянбируси. МяхӀячкъалализиб летчикла гъамтачил къаршибикибтири иличила баянти даргибтира.

Тамашала баянти камли ахӀен белгидарибти. Дургъби тамандиубли гӀергъи летчикла нешличи Белоруссиялизирадди кагъарра уршила медальонра дархъибтири. ХӀили бицӀибси кагъарлизир уршиличила лерилра баянти лерри. Кагъар Горила бархбасла отделенилизива бадди. Фатимас гъанна гъанбиркули ахӀен ит кагъар чина бикибал. Суратунира медальонра летчикла гъамтани МяхӀячкъала шагъарла музейлизи дедили сари. Сунела гъамсила сурат газетализи кабяхъяхъес багъандан Фатимали бедибсири.

Нешличи илди чили дархъибал багъес виалри ГӀяхӀсири. Гори яра Никодимово шимазиб чис биалра гъанбиркули бизес ит самолет ка-

бикнила анцӀбукъличила. Архивлизирти ва летчикла гъамсини дурути баянти хӀясибли Дагъистайзivadси летчик офицерличила очерк цалабяхъибсири журналистли, сайра фашистуназибадди сунела ахӀерси ВатӀан – Советский Союз балтахъули Белоруссияла ванзаличив алхунси.

ГӀябдул (гъамти илис ГӀябдулкарим бикӀулри) Абакаров Дагъиста АССР-ла Дахадаевла районна Кубачила поселоклизив акӀубси сай.



Кубачи лебилра дунъяличи машгъурси саби мургъи-арцла устначибли. Летчикла дудешра гравер сайри. Ил жявли вебкӀибсири. ИлхӀели хъалибарглизив хӀябъибил урши ГӀябдулкарим дуспун сайри виубси.

БиштӀати дурхӀначил калунси Патиматлис илала мурулла узбани кумекбирусири. ГӀябдулкарим халаваахъибсири дудешла узи Мама Абакарович Иммаевли. Ил сай ГӀяхӀулали дергълизи арбъкъунсири 1941 ибил дула августла 31-личив. 1943 ибил дуслизив Сталинградла мякълав госпиталлизи викибсири. Илав калунсири вебкӀайчи. Ургавси узи ГӀяхӀмадхан Орджоникидзелизис дьявила заводлизив узули калунси сай.

ГӀябдул, Кубачиб школа таманбарилри гӀергъи, МяхӀячкъалализибси автодорожный техникумлизиди керхурсири. Илавадди Владикавказлизи учӀес шурухъунсири. Гур сайгунти вецӀал цархӀилти жагъил уршбачил летчикла курсаназив учӀес или арбъкъунсири. ВиштӀахӀейчивадли ил хуликӀусири арцес. 1936 ибил дуслизив Краснодарла чебяхӀси авиационное училищелизи керхур. 12-ибил запасла авиакллизиб къуллукъбирули калун. Сунени хъулибтачи лукӀути кагъурта-

зиб илини балахъулри Финский фронтлизир бутӀакъяндеш дарниличила. 1940 ибил дуслизив ил авиационный полкла 213-ибил скоростной бомбардировочный аэрофото-службала начальникла къуллукъличичи катурсири.

Фатимала гъай хӀясибли, илала дудешли сайри ил сунела уршиван къугъали айкъурси ва бяркъличи викахъибси. Дудешли бурусири ил сунела гъай бетерхахъес къайгъилизисси ва гъалавяхӀ вашес дигуси сайри или. Дудешлис ил летчик ветаурли дигуси ахӀенри рикӀули сари Фатима, амма уршили сеннира летчикла курс белчӀун. ГӀябдул алхниличила багъурхӀели

Фатимала дудеш викӀусири ну пашманиублири илини сунела къисмат гъаваличил бархбасахъес батниличичи. Илзи тиладвикӀес хӀяжатири цархӀил санигӀят чебикӀахъес багъандан.

Фатимас кагъарра медальонра гъандиркули сари.

- Нуни риштӀахӀели белчӀунсири ит Белоруссиялизива бадди бакӀибси кагъар (1963-1965 ибти дусми дурги), бурули сари илини. – ГӀябдулкарим хӀярихъибси мурул адамли



сабри ил белкӀунсира. Илани лукӀулри фашистуни самолет

(Хъарахъуд — 5-ибил бяхӀлизиб)

кабикахъили цалибигубсири или. Нушала хъалибарглизибадди цалилра ил игитличила хъумургули



ахлен. Дила дудеш дебали децликүсири иличила, илини ил виштгахейчивадли дудешливан ахлерли ва дигули айкъурсируну. Нуни мурталра архивтази кагъурти лүкүли рираси иличила сегъунтибиалра баянти даргес или. Хіера, ғыанна сари иличила дурусти баянти касибти.

Москвализиб Чедибдешла байрам дурабуркүхели Фатима сунес илцадра дигуси Гябдулла суратличил байрамличи рякъунсири. Гябдулкаримла у бедибси цархил гъамсилличил Фатимас летчик алхунси ва хяриихъибси мерличи рукъес дигули сари. Летчикла гъамтани Петр Николаевич Женжарухинис баркалла балахъули саби сунени хелуси адамличила хъумхертурли, къайгъилизи викили баянти гъаладихъни бағыандан. Дубурлан игитличила лерилра баянти статьялизи цаладяхъибсири Галина Кожениковани.

... Ишди бурхназир запасла офицер Елена Шутовани Кубачи раќили, Гябдулкарим Абакаров алхунси мерличирадди гянжи хиб. Илкъайдали Кубачила шилизиб летчик Гябдулкарим Абакаров ғыаниркахъилис хасбарибси балбуц дураберќиб. Чебяхъси Ватла дургъбачила баянти дурчули, рузуси офицерла къайгъначирли летчик алхунси ва хяриихъибси мерани даргес имканбаќиб. Гяхгъабза урус хъунул адам летчикла шилизи раќни нушала ахлерси Ватлан ғыанни алхунти ва дявила майдайчиб даимлис калунти игитуначила хъумхертнилис ва илдала халаси хурматбирнилис бикъри саби.

Белоруссиялизибадди хибти гянжи мерладарибти сари дявила асилдешла памятникла мякъла. Илхели районна администрацияла ваќилти, шила руководство ва гяхцад кубачиланти цалабикибтири. Балбуцлизир бутакъяндеш дариб районна дявила ва бузерила ветерантала советла Председатель Мухтар Гябдуллабековлира.

Сунела яргализиб Елена Шутовани баянбариб сунела баркъудлуми нушала тарихла дурхъати бикъруми чеалкүси наслуличи даахънила ца

гъатли ганз биъни.

«Ишдигъунти баркъудлумани нушаб ғыанбиркахъули саби нушала ахлерси Ватлайс марси къуллукъбарибти игитунни. Чебяхъси Ватла дургъбала игитунни чеалкүси наслули даимлис хъумхертнилис, илдала хурматбирнилис ишдигъунти ғыунибаънибани бикъридеш дирули сари», - буриб Е.Шутовани.

Гур гяхлани баянти гъаладихъиб самолет кабикниличила ва летчикуначила.

Елена Шутовани илкъайдали кубачилантас кабикибси самолетла ца бутла ва школалис ғыанбиркахънила жуз дедиб.

Цалабикибтала гъалав ғыайулхъули, Мухтар Гябдуллабековли самолет кабикибси мерличирадди гянжи хибни бағыандан Елена Шутовас баркалла бағыахур.

«Хед баркалла балахъула нушала тарихла хурматбирни бағыандан. Чебяхъси Ватла дергълизиб алхунтала хурматбирули, гяръбуќан летчик алхунси мерличирадди гянжи хибнира хела гапличи лайикъси баркъуди саби.

Илдигъунти баркъудлумала кумекличил нушала чеалкүси наслубачи тарихла мягничерти баянти



диули сари. Илкъайдали нушала хала бегтала игитти баркъудлумачила хъумхертү жагъил наслули. Хушагъунти бағыадуртала баркъудлумачирли тарихла къадричерти баянти мяхќамдирес нушаб имканти алкүли сари. Ва пахрубирехе нушани хабарла игитуначи», - буриб М. Гябдуллабековли.

Кубачила шила бекі Гябдусалам Куртаевлира гяхлас ва лебилра цалабикибтас баркалла бағыахур ва ишкъайда бунриб:

- Ванзали цаќ лугуси саби адамлис ва илини кумек геббихъуси саби, диги сунезир дихути сари, ғыанбикүни мяхќамли дихути ва ғыаргдирути сари. Нушала игит алхунси мерличирадди хибти гянжи къабуддирули, нушани тарихлашалси бархъдеш ва ғыанбикүми

сагадирахъула. Гябдулкарим Абакаровли сунела гязиз жан къурбандариб ғыанна нуша даршуси заќла удир хлердихъес ва ахлерси Ватлан вавалибяхъяхъес бағыандан.

Амма ғыаннара Украинализиб бандеровцыбани сагадан бекі ахъбуцили саби. Дунъяличиб даршудеш лебниличил илдигъунти вайнукъяби баришбихъ бирули ахлен. Дергъла майдайчиб нушала бағыадурти дигуси Ватлан бағыандан илдачи къаршили бургъули саби.

Ишбархли иш балбуцличи баќили, игитсун алхунси гяръбуќан гяхгъабзала хурматбарнилис лебтасалра халаси баркалла.

Балбуц ахирличи биркүхели, илала лебилра бутакъянчиби игитси бекќали алхунти ғыанбиркахъули ва илдала хурматличил уми ғыандуршули ихтилатбикүлри.

Ишаб бурес лайикъли саби, ғыар дуслизиб Белоруссияла ванзаличиб алхунти бургъантала лига-къякъя дихъули сари илдала гъамтачи. Илди дургули сари экспедицияби дурадурќутани, хъуми далцути механизатортани, эксковаторщикунани.

Никодимово шила мякъла хяриихъибси дахадаевланничилара баянти даргни илала гъамтас ва районна лебилра халкълис хъумхертесил анќбуќъ саби. Ил шилизир дергъла замана кадиркути анќбуќуначила ғыанбиркахъуси Петр Николаевич Женжарухин итхели хъяша урши сайри. Илини ункъли ғыандиркахъули сари дявила анќбуќуначила баянти. Ил чинадигара дугъавизурсири чула шила мякълаб хярибихъибти летчикунала ва цархилти бургъантала лига-къякъя даргахъес бағыандан. Илис сеннира хъумургули ахлен дурхгъелла ғыанбикүни ва ғыарил секќал даг бетаурсиван чебе-таахъили сипатбирули сай.

Дургъби дехидихъибхели Николай ва Елена Женжарухинхъала урегал дурхгъа лебтири. Халалгъуна урши дергълизив хлерзи-къел агарли веткахъибсири. Беглара виштласи Петр урегал дусцун сайри виубси. Дудешра сай гяхгъулалли дергълизи арякъунсири ва 1946 ибил дуслизиври хъули чарухъунси. Илала хъалибаркъя ниъли гашазибадди берцахъуртири. Даршуту дусмазив ил шахтализив узули калунсири.

Итхели илди хлербируси шилизир ва алавти мер-мусаличир кадиркути дявила кахти анќбуќуначила ғыанбиркахъусири мурталра Женжарухинхъала хъалибаргли. Чинаб сегъуна дявила анќбуќъ кабикалрира, шила гүлүхъаби ғыарахълабадди яра гъамти мер-мусаличи дигянбикили ила хлербикүтири ва кахти бурхнала суратунни илдала лерилра гямурузир хулбала ғыа-

лар калунтигъунтири.


Петр Николаевичлира ғыанбиркахъули сай дарган гяхгъабза ухнавли самолет кабикниличила. Самолет кабикибхели цали вигубси летчикра ғыунила мякъла кайкилри. Ил шилизибти мурул адмтани хяриихъибсири. Цархил парашотличив ванзаличи ваибси вяхъибси летчиклис шилизир тухтурли рузуси Евгения Барановани кумекбарибсири. Самолет кабикибси бархли илис гячихъли ғыанбиркусири июлла 12-личиб чула юрт душмантани цалибигахъубсируну ва глергъила бархли сабри самолет кабикибси.

Петрли ғыанбиркахъули сай секъяйда фашистунала танкаби, машинти, мотоциклти шалгертдүхунтирил чула шила мякъларадди. Илдачи шила дурхлини хлербикүтири хябрази дигянбикили. Илхели сабри самолет кабикибсира. Душманти иличи ва парашотличил кабирути летчикуначи биноклизивадди хлербикүлри. Илди ванзаличи баибхели, ил мерличиб бусягъатал мотоциклти даќдүхъи сари. Фашистунни шилизиб ва шила мякълаб къайцбикүли кали саби, урехилизи гелабикахъили шилизибти адмтира, амма дигянбикибти летчикунни илдани баргес биубли ахлен. Петр Женжарухинни ил самолетла ца бутла дявти тамандиубли гертгъира мяхќамбирусири. Цархилти мегъла бурглүми шантани утиллизил лугутири. Цабехитани илдазирадди чус пайдаладарес или деклар-декларти гягъниахълуми дирутири викүли сай Петр.

Итхейчибадди гяхцад замана арбкъниличирли шилизир ва илала мякълар дахъал дардешунни кадикили сари. Гяръбуќан летчик хяриихъибси мер белгибарес къайгъилизис Петрлира ғыанбиркахъули сай иличил дарх хяри самолетлизирти пулеметла лентабира кадихъибтири или. Иличил медальонра лебри викүли сай Петр амма ил шила адмтани се барибал илис ғыанбиркули ахлен. Илра къагъарра баягъи чилирил нешличи дархъили дуилри. Итхели мицирли калунти ќелра летчик шилизив хлериуси Стефан Муштуковличи гъамбиублири ва илизи гражданинтала палтарра беркесилра тиладидарилри. Муштуковли илдани ибси барибсири. Летчикунани чула палтар илис дедилри ва Завидовка шилизихъи арбкъунтири. Илдас ил шилизибтани урчи дедибтири ва илдачиб арбкъунтири или бурусири или ғыанбиркахъули саби пенсионертани.

Хіера, веќани дусмала пардавлизирадди дубурлан гяхгъабзачила баянти дихъули сари ишбархли Белоруссияла ванзаличиб хлербирути гяхгъи адмтани. Дергъла цализиб тамай берцибси ванзаличиб халабаитани игитунас лайикъси къимат бедес балнила лишан саби илра. Илала дурабалира, советский адмти узби-рузбиван хлербирутири ва ламус-хля, адмдеш ахъли къиматладируттири. Илкъайдали Белоруссиялизиб хлербирути ва кубачилан летчикличила паргъатагарбиубли ва илала шилизи гянжи хили баќибтас урќи-урќилабадди баркалла бағыахъес ва илдала гъалаб икрамбарес лайикъли саби.

Патимат Къурбанова.



Земфира Юсупова нушачир гЯхІладли



Земфира Юсупова (Юсупова Земфира Муъминовна) акЉубси сари Дахадаевла районна Меусишала шилизир 1977 дусли майла 20-личир.

Шилизир школа таманбарилли гІергъи, ил Дагъиста началихъла университетла филологияла факультетлизи карерхур. 1999 ибил дуслизир университет таманбарил ва, ил дусличирад рехІрихъили, ишбархІиличи бикайчи сари акЉубси шила урга даражсала школализир нешла мезла ва литературала мугІялимли рузули сари. Школализир рудули лерай ил «Савлила шала» кружокла бутІакъянчи рири. Кружокла руководитель Муса Расулович БяхІяммадовли «ДурхІнала нагъмурти» бикЉуси бяхІла газетализи Земфирала сочинениеби, хабурти кадирхъи; школа радиализир назмурта рудулахъес рики. Илала сочинениеби, хабурти районна «Шила гІямру» газетализир ва дурхІнас хабарибси республикала «Лачин» журналлизира дурадурхъун.

Назмуртачи ва хабуртачи илала диги акІлахъес кумеклариуб Меусишала шила библиотекализир рузули илала неш, культурала рурибси хІянчизар, ЖумягІ Асадуллаева.

Учителли рузули, сунела санигІят хІясибли Земфирани декІар-декІарти районна ва Республикала тухІярла конкурсуначир бутІакъяндешидариб ва илдачир цаибти-кІишти мерани сархиб.

Кабихъибси къиян ва барибси хІянчи къималабарилли, ил «Дагъистан Республикала багъудила Отличник», «Россияла Федерацияла баркъла ва багъудила хІурматла хІянчизар» михъирличирти личинтачил шабагъатлариб.

Адамтас гЯхІдеш бирни

Адамтас гЯхІдеш бирни -
МягІна саби гІямрула.
Адамтас гЯхІдеш бихни -
Хъулчи саби гІямрула.

ГЯхІдешунани вирес
Вари гъалакли вии.
ГЯхІдеш бирусилчил
ЦауркІли хІу хІерви.

ГЯхІдешла гъе делгІлахъес
Адамтас гъирли ви.

ГЯхІдешла дерхъиб лугни
Ляркъян, умутли ви.

ГЯхІдеш саби адамлис
МалхІям дев бурес виъни.
ГЯхІдеш саби гъалмагълис
Кумекла някъ гъабурци.

ГЯхІ девли зягІпсила
Мурхъ дяхъи сагъбирахъу.
ГЯхІ девли душмантази
АйтІун тур кабикІлахъу.

Адам, къайгъичевви
ГЯхІтала къяйзи керхес
БалкІси гъуйчивсиллизир
Бархъдешла гъе дерхъахъес.

ГЯхІдешли дамкъур дяхІла
Сипатра дарсдирахъу,
ГЯхІдешли узидешла
Байрахъра ахъбирахъу.

Рулгулра гЯхІдешуни
Дулгули лебтасалра!
Рулгулра гЯхІдешуни
Дигули лебтасалра!

Унра Шамиль

(Меусишала урга даражсала школали у бихуси Шамиль ГЯбдуряхІмановлис багъишлабарибси)

ХІу гІямрули велкъхІелкъи,
Жагъдешла манзиллизир
Алхунри гЯхІгъабзаван,
ДуцІрумла ца базлизир.

Телефонна зянгъ сари,
Неш-дудеш хъулиб саби,
Ит бархІли зайбухъунси
Кохси хабар иш саби:

"ХІушала жагъси урши,
Дагъиста уктем чІака,
ВатІаннис къулдукъличив
Алхун, мутІигІхІейубли.

Алхун. ИшбархІли савли
БерхІли гъаббикІухІели,
УркІецагар душма
ХІярхІуби чегибхІели.

Алхун. ХІярирхъехІе
Шила дубла хІябрази.
Сай аманатирехІе
АхІерси ванзализи.

Игит урши айкънилис
БегІти, хІушаб баркалла!
Сабурличил, яхІличил
Урши гъуниватоба!"

ХІела шелра рузини
Дардличил децІ чІямбариб.
ХІела хІяна абани
Бисаличил ясбариб.

ХІябал гъабза узини
Душманнис лягІнатбушиб.
Дудешла чІумадешли
Антара дурахІевшиб.

Цудар душманна гъалаб
БекІ гІяшкхІебуцири.
Меусишала шила
Багъа чеахъбуцири.

Баркалла, унра Шамиль,
Гъабзала у хІебубкІар.
ХІечи пахрумабиркъес
ДурхІнала хъул хІебубкІар.

Расул БяхІяммадовлис

Нешла мезла дугъбачи
Даим урки изуси,
БиштІати-халатачи
Дигичевли узуси.

ЧебалкІуси наслулис
ГЯхІцад дусми харждарри,
ГЯкълу-дагърила гІиниз
Илдас хІу ветаурри.

Бугаси къаламличил
Чумра назму каргъурри,
Илдазир бархъдешгІерти
Дугъби зайдухъахъунри.

Шантас ва дурашантас
Чумра гЯкълу дурири,
Чумилра илдазибад
ХІела гъуйчи каири.

МугІялимтас мугІялим
Марли хІу ветаурри,
Пергер гъубзнала сияхІ
ХІуни чебицІахъири.

Бузерила адамван
Россияли вагъурри
Меусишала шила
ХІу пахру ветаурри.

Шанти меусишанти.

Нуша лерра хІебикІар,
Чучила гапхІебикІар,
Кумек гЯгІнис мерлаб
ГІелабахІ хІерхІебикІар,
Дила меусишанти.

Някъ-някъли ца билшанти,
Туй дубура укъанти,
Хъяганаван чІумати,
Шямван дархъ гъайла бегІти,
Дила меусишанти.

ХІян бургар дубуртала
Дурхъал гІядат бихІянти,
Шанти-дурашантала
ХІурмат барес баланти,
Дила меусишанти.

ГЯхІядешла хІурматлис
Дуб-дубли умегІ бирцІу,
Къияндикібси мерлаб
ГІелабахІцун ганз кайцІу,
Дила меусишанти.

МалхІям девла кумекли
Урки чебиргъахъанти,
Духул девла кумекли
АйтІун тур гІашианти,
Дила меусишанти.

Хала бегІтала дурхъал
ГЯдлу-зегъа дихІянти,
ГІебалкІуси наслулис
Илди гъаладирхъанти,
Дила меусишанти.

Тухтурти, мугІяллимти,
Спортсменти, юристни,
ШягІирти, писателти...
Дила меусишанти.

Бай дуги дулхъул Бацли
ХІуша шаладарарти,
Бай хІерила БерхІили
ХІуша ванадарарти,
Шанти меусишанти.

МурткІал хІушала чедиб
Даршуси Закра калаб!
Аллагъли гъар биркІайзи
ЧІумал арадешра габ,
Шанти меусишанти.

Дирули гЯхІдешуни,
Чардирули хІ ушачи,
Калабая хІулкІули,
Шанти меусишанти.

Ил курлав вагъарирни!

Хъуммартид, рузи, хІуни -
Къялубала баркъуди
Мякъяс къяматли бирни,
БегІтала дурхъал гІядат
МяхІкамбируси биъни!

Багъи хІуни, ахІерси
Биубси чархІебирни.
КъицІбарес гъалаб чІянкІи
ВерхІна умцуси биъни.

Рузи дила ахІерси
ХІу хІулкІули халараб!
Рузи дила дигуси
ДалайрикІули хІянриб!

РиштІал рузис насихІятуни

МурткІал гІямрула чихъдеш
Чузи бухІнабуцибти
УркецІи, ламус, хІяя
Рузи, хІечил дирахъен.

Кайкибсиллис кумекла
Някъ мурталра гъабурцен.
ЗягІпсила мурхъ дяхъи
МалхІям девли сагъбирен.

Рии, рузи, мурталра
Неш-дудешла пахрули,
Балгун анкъила къушум
Ванали бихІусили.

Рузи, вари хъуммартид
ХІу акЉуб биштІласи ши,
ГІямрула гЯхІ къисматли
Рарадлра чина жи.

ХІу арилкъул дудешла
ГЯкълула гъай дарх дихен,
Раркъибси ахІер нешла
МалхІям хІер хІезиб бихІен.

Хъуммартид хІуни, рузи,
УрхІлис бирул вайдешли
ХІела талихІ хІелушни,
УрхІлис кур биркъубси, сай

ДезарикІулра гъубзнас

Машгъурбарил Дагъистан
Чум-чумилра гъабзали,
Душманна балкІдешличил
Кабурхули гъазали.

Гъар тахталлизир деза
РикІулра гЯхІти гъубзнас,
ГЯгІнибикібси мерлаб
Бяхъ чейгахъу вайгъубзнас.

ВатІан гъанни кайзахъес
Лерилра жидирулра.

Гъар кайцІуси ганзлизир
Гъарбизуни дулгулра.

ГЯхІти гъубзнала къушум
Мурталра бягІубикІаб!
Илдада баркъудлуми
Наслубани гІерсайсаб!

ДурхІни жагъти, диштІати,
Нушала челябкълара.
ХІуша акЉуб ВатІанна
Багъа чеахъбурцена.

Дила класслис

Хъябличирти мачниван
Жагали далдикібти,
КъумдикІути лагъниван
Къугъали гъайдикІути.

Ца класслизир дучІанти,
ЦахІнар халадаибти.
ХІуша дила ахІерти,
Мурадличи даарти!

Рурсби рузби бетаур,
ДурхІни узби бетаур,
Дархти вецІну цара дус
Нушаб дурсри детаур.

Гъану шура дус дикиб,
Лебилра къаршибикиб,
ХІяндешли кацІиб гунзри

Нушачил къаршидикиб.

Узби-рузби ахІерти,
Аллагъли гІердуцарти!
ГЯхІдешлис кайцІул
гунзри
Мурталра гъардизарти!

Къисматли къаркъти
бурхІни
ХІушаб къадармадараб!
Берхъиб анхъла тІутІиван
Хъалибаргунни дерхъаб!

Мукъри-сяхІбатуначи
Мурталра кайрабая!
Дигул хъалибаргличи
ХІулкІули айцІабая!

Шандайзиладли варибси сирхІян

Дубуртазиб аклубти гІяхІгубзна ни сезаманлара игитти баркьудлуми дурадуркІути сари ва илдала кьуватчебдешлара дунъяличир хабардерхурти сари. ИшхІелла манзиллизибра дубурла чІакнани чула хала бегІтала баркьудлумира гІядатунира гІерисули, села-дигара шайчиб гьалабулхули ва халаси хІурматличил пайдалабикІули саби.

Илис бикьридеш дирули сари Украинализир кадиркути дявила анцІбукьуназир бутІакьяндеш дирути дубурлантани чедиахути игитдешла баркьудлуманира. ХІера, Дахадаевла районна Урхънишала шилизиладли Тимур ГІяммаевра ахІерси ВатІаис мардешличил кьуллукьбирни багъандан, ишди бурхІназив шабагъатлаварниличила хабарли илала шант ва тухумти разибахъуб.

Тимур ГІяммаевлис МяхІячкьала шагъарлизиб «Дагьиста ламус ва чебяхІдеш» («Честь и Слава Дагестана») ибси медаль бедили саби. СирхІян урши наградитьварес ибси ХІукму ишдула сентябрьла 20-

личиб «Нушала адамти шандайзиладли барибти саби» ибси жагьилтала хІяракатли кьабулбарибси саби. Тимур ГІяммаев мобилизовать варили арбякьунсири сентябрьличив ВатІаис кьуллукьбарес. Илини ВатІаис мардешличил кьуллукьбирни, илала хъархІерагедеш багъандан игитсун ургъни гапличи ва хІурматличи лайикьси баркьуди саби. Дахадаевлантаницунра ахІи, Дубуртар Улкала жамигІятлира сунела жан ахІерахІедарили, нушала улкалис кьиндикибхІели, ил батахъес дураухъни багъандан баркалла багъахъес лайикьли саби.

— ХІела гьабзадешла ва игитдешла баркьудлуми цархІилтасара гІибратли детаурли сари ва хІуни нушала чебяхІси гІярмиялизиб кьуллукьбирни багъандан нуша лерилра хІечи пахрулидиркьулра. Дергъла майдайчив вяжибси хІу жыв-жявли аравуубли дигулра. Нуша дирхулра хІу аравиахъес багъандан хІяжатти шуртІри алкІахъниличи ва ара-сагъли хІела хъалибаргличи чарулхъниличи.

ХІу гъарли-марси игит сайри ва хІуни гІибратчебли ВатІаис кьуллукьбарни пикрила дураб кахІевлан. Нушани ахъли кьиматладирулра хІуни нушала ВатІан мяхІкамли биахъес багъандан дакІударибти кьайгънира баркьуд-

лумира. ХъумхІерту адамтанира хІуни чедаахъибти урехиагардешла ва Неш-ВатІаичи дигила баркьудлумира. ХІялалдиаб хІу илгъуна багъадур урши айкьурти бегІтасара. ЧеалкІуси наслулира хІугъунти гъарли-марті дубурлантациладли саби мисал кайсуси ва гІялам халкь хъарихъути.

М. ГІяхІмадова.




Баркаллала кагъар касиб

Дахадаевла районна Кьункьила шилизиладли ГІяппас ГІялиевли ва Хамис ХІусеновани СВО-лизир бутІакьяндеш дируси чула урши Мухтарла командирличиладли гьалабван баркаллала кагъар касиб. Гъайгъай, илгъуна баркьудили ургъанна бегІти разибахъуб.

Кагъарлизиб бурули саби Мухтар Аппасовичли кьуллукьбириси манзиллизиб чІянкІли гІяхІла шайчиладлицун сай чеахъиб или.

«ВатІаннис марси урши айкьни багъандан хІушаб баркалла багъахъес дигулра. Сунени кьуллукьбириси манзиллизиб илини сай бяркьличи викибси, бархъдеш дигуси, гъарил командиртала ва начальникуналара хъарбакъ итмаданал таманбириси, бузери дигуси ургъан сайлин чеахъиб.

Сунела дявилати устадеш ахъдикІахънилизив мурталра узули сай Мухтар. Ахъси даражала специалист сай, белчІудилизиб сунела гьалмагъунас мурталра халаси кумек гІеббиахъу. Илдази сунела опыт гІебсбахъу, гъайличил ва баркьудиличил кумекбиру, сунела



гьабзадешла баркьудлумачибли илди уркІичеббирахъу.

Дявила ва политикалалсалси хІядуригънилизир чедиахъути сархибдешуни, гІибратчерти гІядлу-

зегъа, гъарил секІал ахъси даражаличир дирес ибти кьасани багъандан ил чуйнара командованиели шабагъатлаварибси сай.

ХІушаб чІумаси арадеш, хІушала гьамадли ахІенси бузерилизир сархибдешуни диубли дигулра. Нушала чебяхІси ВатІанна хъархІерагедеш далтахъули, гъаннала гІергъира хІушала уршили дявила чебла ламусличил таманбирниличи дирхулра», — белкІи саби баркаллала кагъарлизи.

Дахадаевла районна бекІ МяхІяммад ГІядулкьадировлира ургъан Мухтар ГІялиевла бегІти мубаракбирули сай багъадур урши айкьни багъандан. Командованиели баркалла багъахънили бикьридеш дирули сари хІушала уршили ламусличил ВатІа гьалабси чебла ихънилис или балахъули сай муниципалитетла руководители.

«ВатІаис кьуллукьбирухІели хІушала уршили ахъси кьимат лугнилис бикьридеш дирули сари ил кагъарли. Илини гьабзадешла,

гъарил секІал ункъли хъараахъес вирнила, сунечи хъарси жавабкардешличил таманбирнила баркьудлуми чедиахъухІели баркаллаличи лайикькибси сай. ХІушала уршили халаси баркалла багъахъес дигулра санигІятлашалти ахъти устадеш чедиахънилис ва игитдешличил улкала гьалабси чебла ихънилис. Илдигъунти уршилилизир гІяхІти кьиликьуни минадирнилизир хІушани бедибси бяркьла ва ил гъаннара кьайгъначил гІевурцнила халаси кадри леб. Ил баркаллала кагъарли хІуша уркІичердарили, гъаннала гІергъира илини гІибратчебли кьуллукьбирниличи ва чебяхІси баркьуди дурабуркІниличи дирхули дигулра. Ну вирхулра ВатІан багъандан илини дурадуркІути гьабзадешла баркьудлумачи хІушани пахрубирниличи. Илгъуна уршили ахъси кьимат бедниличил хІуша ва хІушала игит урши уркІи-уркІиларадли мубаракдирулра. ХІушаб иш дунъяла лерилра гІяхІдешуни диубли дигулра», — балахъули сай районна бекІли.

Майсарат Зубайруева шабагъатларариб



Дахъал дусмазир медицинала кьялилизир кьайгъичерли рузни багъандан ишди бурхІназир Россияла арадеш мяхІкамбирнила отличникла лишанничил шабагъатларирили сари.

Майсарат Зубайруевала бузерила давлачебси опыт леб. Ил гъанна 12 дус А. В. Вишневскийла уличилси Республикала клиническая больница-ла бекІ тухтурла заместители рузули сари.

СанигІятлашал гІяхІил хІядуригънила ва гІяхІти устадешла гІяхІдешли поликлиникала бузери гьалабяхІ букес имканбакІахъиб. Илкьйдали Россияла миллатла кордиологунала конгрессличиб илис ахъли кьиматра бедибсири.

Арадеш мяхІкамбирнила отличникла шабагъат М.Зубайруевас улкала арадеш мяхІкамбирнила министр Михаил Мурашкони сабри бедибси.

Майсарат Зубайруева А.В. Вишневскийла уличилси РКБ-ла пациентунас кумекбирули, республикала жамигІятлис кьуллукьбирес даимриубли сари. Ил сунела са-

нигІят дебали дигуси ва гІяхІси уркІила адам сари.

Илкьйдали сабухъчевли узули, адамли сархибдешуни дирахънили ва илала баркьудлумас лайикьси кьимат лугнили цархІилтира уркІичеббирахъули саби.

ГъанбиркахъехІе, Майсарат Зубайруева Дагьистан Республикала амбулаторияла-поликлиникала службализир бекІ эксперт сари. ДР-ла арадеш мяхІкамбирнила отличник, республикала рурибси врач Россияла Красный Крестла Президиумли ХІурматла грамоталичил, ДР-ла ХІурматла грамоталичил шабагъатларарибси сари COVID-19-личи кьаршили рургъули калунхІели. Майсарат Зубайруева 9 хІянчила автор сари.

8 Мубаракдирулрая!

Хурматла Дахадаевла районна школала Гямрулич ахлебаибтала учреждениебала воспитательни! Хуша воспитательла Бархиличил мубаракдирулрая! Нушала дурхИнала Гямрулизиб ва жамигЯтла вакилтала баркь-бацлизиб воспитательли мягИничебси мер буриуси саби. Хушала санигЯтлич дигили ва илис мардеи дирнили дунья ГЯхИбулхъахули саби нушала дурхИни талихИчеббихъули саби. ЧеалкУси наслула челябкьла талихИчебсиле биахъес багъандан, дурхИнас ГЯхИти багъудлумира лугули, илди ГИбратчебси бяркьличира биркахъули, чус лерилра Гямрулизир багаладизэти пасихИти ГЯкълуми лугулра. Илкъяйдали бяркьурти дурхИнани чула пагъмурти дакдударес имкантира алкУли сари ва илдани черяхИти баркьудлуми дурадуркИниличи умутуни алкИахъули сари. Хушала сабур, къайгъни ва малхИямдеи биштIатани хИасибхИедарили кавлуту ахIен. Илкъяйдали гъарил дурхИяличи халаси асарбируту хуша илдас чула кИэсти безИтили детаурлирая. Илала дурабадлира, хуша илдала дигути насихИятчиби ва дирхалаби хъести гъалмагъуни саррая. Илкъяйдали ГЯкълучебти ва дагърили жагабарибти дурхИни бяркьес хушани халаси къайгъни дакдубирулрая. Нушала район гъалабахI башахънилизе илгъуна белгиси пай кабирхъути ва чеалкУси наслулис бархъеи гъуни чебиахъути хуша баркалла багъахъес лайикъли саби. Хушала къайгънани лебилра дахадаевланталара чула дурхИнала челябкьла ГЯхИбулхъахъниличе иштIахI имцIабарахъули саби.

Хушала санигЯтласи байрамличил бархбасахъи, хушала Гямрулизир ва бахълис багаласи баркьудилизир мурталара резидешуни, гъарбизуни, чедибдешуни диаб. Гъар бархИ хушаб хулгусили ва гъарбизурсили бетааб, арадешра талихИра лерилра Гямрулизир даимти дархъябили диаб, хушала сабухъебси ва бахълис багаласи бузерира улкали ахъли кьиматлабараб.



ГЯхИти хьул-къас кавцили

(баркьла хИянчизартас)

ГЯхИти хьул-къас кавцили,
Нушаб гъунидианти
Датабая арали,
Яслила хИянчизарти.

Нушала нешаниван
МалхИямли гъайдикУти,
Багъудиличи диги
Нушазир адилкъути.

Нушаб девра ГЯкълура
Гердурес далкъаурти,
ПасихИ дугьбала баки
Гъар дарсличиб каргъанти.

Хушаб баркалла риклУс,
Хушачила гаприклУс,
Хушачил дархти дусми
ХъумхИертис, пикририклУс.

ЧеалкУси наслулис
Баркь лугул хИянчизарти,
Гердуцаба Аллагъли,
Дархъматабая яхИли.

Земфира Юсупова.

ШИЛА ГЯМРУ СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла
администрация.

<http://selskayajizn.ru/>

сетевое издание

«Кала Корейш медиа»

e-mail: inf.otdel7@mail.ru

Тел: 55-40-71

1931-ибил дусличибад дурабулхъуси
саби

Газета 2009 ибил дула
декабрьла 28-личиб массовая ко-
муникациябала, бархбасла ва куль-
тураласи букъур мяхИкамбирнила
шайчиб хИеруди бузахъуси Феде-
ральная служба ДР-лизибси
Управлениелизиб белкIунси саби.
ПИ № ТУ 5-0047

Газета дурабулхъуси саби жумягI
бархИи.

Дусли 52-на дурабулхъан.

Индекс -- 63314

Печатьлизи къулбасбарес
кабизахъурси замана -- 16.00.

Печатьлизи къулбасбарибси
замана -- 16.00.

Редакциялизи дархъибти белкIанас
рецензия луклУси ахIен, я илди чула
бегIгачи чардироти ахIен.

Газетализи кадирхъути материал-
тала автортала пикрумачил
редакцияла пикри
цугхИебикесра асубираб

ДР-ла миллатласи политикала, ин-
формацияла ва дуралати бархбасу-
нала шайчибси министерствола га-
зетабала-журналтала типография-
лизиб кабяхъибси саби.

Адрес: 367018 МяхИякъсала
шагъар, Насрудиновла уличился
къакъа, 61

Авторгани чула материалтала
хИекъдешлис ва бархъдешлис жаваб
лугуси саби.

Редакцияла ва издательла адрес:
Дахадаевла район, Уркухъла ши,
ГI. ГЯлиевла уличился къакъа,
9 "а"

ТИРАЖ –800 экз

БекI редактор
Чапарова М. М.
Редактор
Курбанова П. О.

БиштIатачи дигили бицIили

Воспитательла БархИличил бархбасахъи, гъалабан Уркухъла шилизибси «Лачин» биклУси школала Гямрулич ахлебаибтала багъудила учреждениелизиб балбуц дураберкИиб. Ил бархИи мягИничебсира саби, сенхIенну дурхИни багъудлумачи бегIбарес ва бяркьличе бикахъес багъандан чула лерилра цакъанира багъудлумира пайдаладирули, бузути адамтала хурматбирес лайикъли саби.

Учреждениела заведующая ПатИмат ИсяхИмадова гъай хИясибли, «Лачин» ДОУ-ла воспитанникунани чула воспитательгас хасбарибси жагаси концерт чебаахъиб.

«Илдани далуйти дучУли, булхъули ва назмурти дучУли, чула пагъмурти чедаахъиб. Илкъяйдали биштIатани чула воспитательгачи диги чедиахъули.

Илала дурабадлира, дурхИнани

суратбикIнила конкурслизирра образуну акIахъублири», — буриб П. ИсяхИмадовани.

Чула пагъмурти гъатIира ГЯ-Илкъяйдали заведующаяли баян-



чихъли чедаахъиес имканбакIиб. Илди абанала сияхИли лебилра разибахъуб. БиштIатани деклар-декарти суратуназир чула пагъмуртала кумекличил къугъати

бариб гъарил воспитатели биштIатачи секъяйда пикри бяхИчиулил ва илдала бузери гап-личе лайикъли саби риклУли ил.

«Воспитательгас дурхИнани баркалла балахъулри, илдас чула някъбани хИядурдарибти савгъатуни лугули. Илди савгъатунани чебиахъулри секъяйда чула воспитательти дигахъулрил дурхИнас. Нуша дирхулра, гъаннала Гергъира воспитательти иштIахИличил биштIатачил бузничеи ва чеалкУси наслу багъуди-бяркьличе биркахънила хьулчичи умутчерти дирниличе», — имцIабариб илини. Балбуц байрамласун къумур балкъаахъниличил ва биштIати бизити берклумачи жибарниличил хъараахъур.

М. ГЯхИмадова,
Информцентр.

